

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 49. stav (7) Pravilnika o licencama – Prečišćeni tekst ("Službeni glasnik BiH", broj 63/16), na sjednici Državne regulatorne komisije za električnu energiju, održanoj 17. decembra 2024. godine, donijeta je

## **ODLUKA**

### **O NASTAVKU KORIŠTENJA LICENCE**

1. Pravno lice "ENNA Opskrba BH" d.o.o., Sarajevo, vlasnik privremene licence za obavljanje djelatnosti međunarodne trgovine električnom energijom, registracijski broj 05-28-12-319-18/23 od 29. novembra 2023. godine, nastavlja korištenje ranije dodijeljene licence pod nazivom "ENNA Next BH", d.o.o. Sarajevo, uz neizmijenjene uvjete licence.
2. Ova Odluka stupa na snagu danom donošenja, a dispozitiv Odluke bit će objavljen u "Službenom glasniku BiH" i službenim glasilima entiteta.

### ***Obrazloženje***

Pravno lice "ENNA Opskrba BH" d.o.o., Sarajevo, sa sjedištem u Sarajevu, Tešanjaska 24a, vlasnik je privremene licence za obavljanje djelatnosti međunarodne trgovine električnom energijom, koja mu je izdata Odlukom Državne regulatorne komisije za električnu energiju (u daljnjem tekstu: DERK) broj 05-28-12-319-17/23 od 29. novembra 2023. godine, na period od 30. novembra 2023. godine do 29. novembra 2025. godine.

Vlasnik licence je aktom od 22. novembra 2024. godine, zavedenim pod brojem 05-28-13-384-1/24, obavijestio DERK o promjeni naziva društva i lica ovlaštenog za zastupanje, s ciljem da se ovi podaci izmijene u službenim evidencijama DERK-a.

Prijava izmijenjenih podataka potkrijepljena je i odgovarajućom dokumentacijom, te je uvidom u Rješenje o izmjenama podataka Općinskog suda u Sarajevu broj 065-0-Reg-24-004635 od 11. novembra 2024. godine, utvrđeno da je u sudski registar upisana promjena naziva društva, promjena naziva osnivača društva i lica ovlaštenog za zastupanje društva. Shodno tome, umjesto ranijeg naziva "ENNA Opskrba BH" d.o.o., Sarajevo, upisan je naziv "ENNA Next BH", d.o.o. Sarajevo.

Imajući u vidu da se, shodno Pravilniku o licencama – Prečišćeni tekst, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence jer je u pitanju isto pravno lice, to je, na osnovu člana 49. stav (7) Pravilnika o licencama – Prečišćeni tekst, donijeta odluka kao u dispozitivu.

U skladu s članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove Odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema.

Broj: 05-28-13-384-2/24  
17. decembra 2024. godine  
Tuzla

Predsjedavajuća Komisije  
Branislava Milekić